

schöner vogel war / Sondern ich sag
in lob vnd danck / so wol meinē Precep-
toribus, das ich dis vnd andere künste /
auß ihren büchern / schrifftten vnd
trewlichem instituiren vnd vnterwey-
sen / gelernet hab / Denn ein erfarnier
dieser kunst / wird wol sehē was mein
oder eines andern ist / wil mich gar
nichts rhümen / So stehet vnd ist
gentzlich mein meinung / das die kunst
allen kunstliebenden gemütern eröff-
net vnd bekandt wirdt / auch andern
zur anreizung / etwas mehrers von
der kunst an tag zugeben / Denn thu
ein jder das seine / so wird die kunst
gemehret / vnd je lenger je weiter auß-
gebreitet werden / Denn ob gleich viel
vleis mühe vnd vnkost auff Bücher
schreiben vnd drucken gehet / Wird
doch darmit gar vielen Menschen ge-
dient / so vern es nur was guts ist.

Dab auch / weil diese Rechnung
nicht von gemeiner Haußrechnung
oder Kauffmans rechnung meldet /
vnd doch solches hoch von nöten / ein
gemein Rechenbuch / auff der Linien
vnd